



Biosfera Val Müstair  
Center da Biosfera  
CH-7532 Tschierv

+41 (0)81 850 09 09  
info@biosfera.ch  
www.biosfera.ch



Tschierv, als 17 december 2018

## Comunicaziun a las medias

### **Il Parc da natüra Biosfera Val Müstair sustegna «STOP – na pavlar la sulvaschina»**

*La Biosfera Val Müstair sustegna la campagna «STOP – na pavlar la sulvaschina», chi'd es gnüda lantschada da la Maisa verda Grischun. Il parc da natüra ha publichà ün flyer biling per explicher il scumond da pavlar sulvaschina. Pavlar fa daplü don a bes-chas sulvadias co quai chi güda alch.*

Indigens e giasts in Val Müstair vegnan infuormats plü intensivmaing a partir d'immediat cha'l pavlar sulvaschina d'inviern fetscha don e sia perquai scumandà. La Biosfera Val Müstair ha dat oura ün flyer chi explichescha per rumantsch e tudais-ch ils connexs da la biologia da sulvaschina in möd inclegiantaivel per laics. «Nus lessan güdar ad impedir il pavlar perche cha quel fa don a las bes-chas», disch Yves Schwyzer, manader natüra e cuntrada dal Parc da natüra Biosfera Val Müstair.

«Pavlar es amur malincletta per la bes-cha», suottastricha Anita Mazzetta, manadra da l'affar dal WWF Grischun. «Bleras bes-chas sulvadias pon eir survivor invierns dürs perche chi han sviluppà strategias da survivor. Ervivors reglan lur organissem sün modus da spargnar energia e bsögnan uschè plü pac pavel. Quai funcziuna però be scha nus tils laschain in pos e nu tils attrain our da lur spazis da viver natürals cun sportas da pavel tras umans.»

«Il pavlar capita eir inconsciaintamaing», declera Adrian Arquint, schef da l'Uffizi da chatscha e pes-cha. «Apaina cha sulvaschina es in vicinanza dad abitadis ston gnir cuernats cumposts in üerts, o fat saivs intuorn deposits da rument verd e pavel agricul uschè cha tschiervis e chavriöls nu rivan pro.»

Il flyer «STOP – na pavlar la sulvaschina» es gnü scumparti in tuot las chasadas illa Val Müstair e po gnir retrat pro'l secretariat dal Parc da natüra o po gnir chargià giò suot il seguaint linc:  
[www.biosfera.ch/de/ueber-uns/downloads](http://www.biosfera.ch/de/ueber-uns/downloads)

Per dumondas sta a Vus jent a disposiziun Yves Schwyzer, manader natüra e cuntrada dal Parc da natüra Biosfera Val Müstair (081 850 09 09).



Biosfera Val Müstair  
Center da Biosfera  
CH-7532 Tschiers

+41 (0)81 850 09 09  
info@biosfera.ch  
www.biosfera.ch



## La Maisa verda Grischun

Ses associaziuns da protecziun da natüra, da chatscha, sco eir da forestal ed agricultura e tschinch uffizis chantunals s'han reunits per sensibilisar la populaziun dal Grischun pels bsögns da la sulvaschina. «La Maisa verda Grischun» appellescha a la populaziun da respettar il scumond chantunal da pavlar d'inviern e da tralasar disturbis da be-s-chas in lur spazis da viver d'inviern. Ella ha lantschà perquai la campagna «STOP – na pavlar la sulvaschina» ed ha miss in funcziun la pagina-web [www.stop-fuetterung.ch](http://www.stop-fuetterung.ch).

## Contacts

Bündner Bauernverband: Martin Renner, Geschäftsführer	081 254 20 00
Bündner Kantonal Patentjäger-Verband: Hansruedi Andreoli	077 445 36 96
Graubünden Wald: Mario Riatsch, Präsident	079 413 05 66
Pro Natura Graubünden: Jacqueline von Arx, Geschäftsführerin	081 252 40 39
SELVA Verband der Waldeigentümer Graubünden: Nina Gansner, G'führerin	081 300 22 44
WWF Graubünden: Anita Mazzetta, Geschäftsführerin	076 500 48 18
Amt für Landwirtschaft und Geoinformation: Daniel Buschauer, Vorsteher	081 257 24 32
Amt für Lebensmittelsicherheit und Tiergesundheit: Rolf Hanimann, Vorsteher	081 257 24 15
Amt für Natur und Umwelt, Remo Fehr, Vorsteher	081 257 29 46
Amt für Wald und Naturgefahren: Reto Hefti, Vorsteher	081 257 38 57
Amt für Jagd und Fischerei: Adrian Arquint, Vorsteher	081 257 38 92



Bündner Bauernverband

graubünden



SELVA

Verband der Waldeigentümer Graubünden  
Associaziun dals proprietaris da gaud dal Grischun  
Associazione dei proprietari di bosco dei Grigioni



Amt für Landwirtschaft und Geoinformation  
Amt für Lebensmittelsicherheit und Tiergesundheit  
Amt für Natur und Umwelt  
Amt für Wald und Naturgefahren  
Amt für Jagd und Fischerei

